



堯山堂外紀

終九十六之百



庫文閣内			
三八	九	漢	
函	七	書	
九	二七〇		
架	冊	號	類

内閣文庫			
番號	漢	9770	
冊數	24 (24)		
函號	303	95	



堯山堂外紀卷九十六

晉陵蔣仲舒編

淺草文庫

國朝

肅皇帝

猷皇帝在興重文士有朝者輒令

手撫弄帝首典額且曰貌相良雅秀時帝

年十一退屏後憤然不平以正位嘗以問


內侍曰何御史大如此或對曰彼以代巡

為職故當時敢為傲肆上然之因是漸以

裁抑御史為念後益嚴云

正德駕崩大學士毛澄迎肅皇帝駕至藁城過橋

已卷九十六



偶爾橋崩有碑出焉碑文曰橋崩天子過碑出  
狀元來毛乃弘治癸丑狀元也

肅皇帝後承天有謠曰飛上一條龍留下八隻虎  
天下皆快活安陸獨受苦八虎謂千戶翟俗輩  
皆京師人隨獻皇至興國泊上正位後以潛邸  
息擢千戶無衛仍在承天頗縱肆故有八虎謠  
後乞列衛承天衛朝命移錦衣始失望

孝廟升遐武宗以正德改元出於劉少師健所定

孟妃前文馬端肅公在吏部考選以宰相源用  
讀書入命題諷之肅皇帝入繼紀元內閣初擬  
明良次嘉靖次紹治上時用嘉靖云一日命翰  
林賦嘉靖二字徐階應制曰士本原來大丈夫  
口稱萬歲與山呼一橫直過乾坤大兩豎斜飛  
社稷扶加官加祿加爵位立綱立紀立皇圖王  
八自有千秋福月正當天照五湖上大悅

嘉靖庚寅間四郊並建一時工部司官督工者以

營建功類陞太僕少卿順天府丞等官又有不能得者有為急就語以紀其事者云馬前隻馬後方腰間黃立堂傍管工郎郎不郎堂不堂其時有以工部營繕郎中陞少卿乃管司事者是以云然

或取嘉靖初元大臣名為詩云穆穆文孫交景運端居喬宇撫清時絲綸遙起山林俊化雨重陶琰瑰資韶樂揚庭和舜呂溪毛澄水薦先師功

如墮費宏謨遠壽比錢彭澤慶垂共說天王守仁義萬年磐石瑤圖維

嘉靖乙巳年間 上一日召大學士嚴嵩吏部尚書熊浹至西苑嵩浹黎明赴召至未初始得入上謂嵩浹曰朕偶得一對句曰閣老心高高似閣可對之嵩浹聞命皆惶悚伏地不敢仰視上曰若不能對朕代為對曰天官瞻大火如天乃的對也嵩浹惶悚益甚伏不能起 上曰

朕偶以此相試何意焉笑而遣之甫二日即有  
復召夏閣老言之旨

世廟又一日出一對云洛水靈龜獻瑞天數五地  
數五五五還歸二十五數數定元始天尊一誠  
有感或對曰丹山彩鳳呈祥雌聲六雄聲六六  
六總成三百六聲聲祝嘉靖皇帝萬壽無疆  
上大喜賞賚甚厚元始天尊乃上龍潛時所  
祝禧之神及御極建元祐宮頗極尊崇所謂誠

感也

嘉靖辛亥間有無名子揭詩於都市曰侍郎一載  
擢天官獵等超陞固有緣屬下晚生門簿寫部  
前嚴示衆人看曾嗔厨役捶三十為謝當塗偕  
八千反覆小人逢敵手始援終陷勢應然

嘉靖間有進士作令楚邑為詩自嘲曰巴陵知縣  
是區區三甲元來不讀書忙裏偷閒淘冷飯開  
中取靜嚼乾魚縣丞主簿皆僚友通判推官也

上、司寄與榜中京宦者巴陵知縣是區區甲榜  
作邑者多稱以自慰其人後官至按察使云

嘉靖初駙馬鄔公景和尚永福公主選時例教養  
於禮曹毛宗伯澄方視篆嘗課以對句御溝水  
泮聞流水鄔即應聲云金屋春殘見落花方暮  
歲公主下世蓋其識云

世廟宮人張氏恃貌不肯阿順匿閉無寵早卒殮  
於宮後宮制凡殮者必索其身畔得羅巾有詩

以聞於上上傷之以宮監不早聞杖殺數人詩  
曰悶倚雕欄強笑歌嬌姿無力怯宮羅欲將舊  
恨題紅葉只恐新愁上翠蛾雨過玉堦天色淨  
風吹金鎖夜涼多從來不識君王面棄置無情

柰若何

南寧伯毛舜臣在南京留守時宮掖命  
酒掃舊內見別院墻壁多舊時宮人題

詠年久剝落不可盡識其一署云媚蘭仙子書  
末二句猶存云寒氣逼人眠不得鐘聲催月下  
斜節字面婉麗辭意凄然雖不免  
嚴取舊句而風神月思亦足想見

蔣冕

年十四舉廣西鄉試第一入貴監時丘  
文莊為祭酒雅愛蔣共回卧起人願諫

之

蔣閣老冕歷仕三朝始告歸田里世廟慕其賢使  
使三聘之不至睿制詩一閱須云聞說江南一  
老牛徵書聘下已三秋主人有甚相虧汝幾度  
加鞭不轉頭冕稽首俯伏以對詩云老牛用力  
已多年領破皮穿只愛眠犁耙已休春兩足主  
人何用若加鞭終不就

張孚敬

初名總號蘿峰辛巳進士以議興獻  
禮稱旨遂爽柄用免相至三既歸尤

冀起用已而得半身不遂疾浙人句蘿峰  
至此一身兩屬以其望環召為半屬朝廷  
患痿痺為半屬地  
獄張竟以是疾克

張蘿峰久困禮闈將謁選于銓曹會稽蕭靜菴素  
以台輔期之力沮不從復危言動之曰若必欲  
就職它日僉事等官皆能杖汝長髯掃地矣爾  
時得無悔乎於是乃止三年復入試試畢題詩  
于蓆舍曰月色團團照舉場河光片片落天章  
風雲交會人初散星斗芒寒夜未央敢向人心

卷九十一

論用舍。直于吾道。卜行藏。至公堂上焚香。在吾力。猶能繫紀綱。是年遂登第。其詩今刻于至公堂後之牒云。

嘉靖初大禮之議。張氏為是。楊氏為非。其說詳明。倫大典。張文忠公應召過桐江。題子陵祠堂有云。先生挺高節。可為百世師。茲余赴三召。載拜先生祠。君臣有大義。行藏復何疑。此心不自昧。獨有明主知。光武本中興。尊親固有宜。如何考

元帝終未明天。彛先生烟水志。此憾能無遺。詩譏光武不合考。元帝而子陵。不合救正也。文忠公晰理精深。故其論入審覈。穩確如此。嘉靖壬辰。北直隸提學御史胡明善待士。慘刻庠序甚愆。以私取房山所窠石為碑。事發擬侵盜園林樹木。以石窠近皇陵故也。是年七月間。彗星見東井。自辛卯至是已三見。有旨令大臣自陳張少傅享敬。遂致仕。有為句以紀其事者云。





石取西山胡明善。殃從地起星行東。并張亨敬  
衲自天來。又曰。堊宇掃除無駐足。石碑壓倒不  
番身。

嘉靖癸巳四月。世廟演馬南城。有玉麟駝白玉駒。  
碧玉驕。照夜壁。銀河練。瑤池駿。飛雲白。皆天閑  
選乘也。因召大學士張亨敬。李時。方獻夫。翟鑾。  
同遊環碧殿。嘉樂館。錫宴重華殿。賜亨敬蟒服。  
時等飛魚服。上賦律詩二首。紀之。群臣應制奉

和張亨敬詩云。傳宣萬乘御重華。詩賜同遊即  
賜茶。環碧殿前先看馬。蒼龍門外更觀花。君臣  
自古原同體。海宇于今總一家。錫宴從容還錫  
服。聖恩莫報實無涯。李時詩云。聖王御極萬方  
安。試馬宸遊愜衆懽。內苑草茵迎玉輦。行宮花  
氣襲雕鞍。薰風拂拂當朱夏。翠藹蔥蔥映紫巒。  
千載明良真不偶。流傳青史後人看。方獻夫詩  
云。御林初夏晴明日。天子乘龍喜色多。共訝飛

雲擎白玉。渾看匹練下銀河。同遊環碧。臣何幸。賜對重華。語更和。應制漸無天馬賦。南薰惟誦舜廷歌。翟鑾詩云。宸遊內苑。御飛龍。盡是神駒。渥產雄。巧翦緋羅。纏寶鐙。分題玉篆。佩花駮。三千駿內。名稱貴。十二閑中。品料崇。從此受恩。何以報。願將赭汗。從長風。又云。選得龍媒。新賜名。習從環碧殿頭行。草茵似錦。蹄過軟。宮路如絃。踏去平。立向天墀。應自慶。穿將仙仗。絕無驚。微

臣得侍瑤池上。願播聲詩頌聖明。

嘉靖間鑾二子登第時

一鑾當道雙鳳齊鳴。肅皇內批曰。鑾在朕左右。二子才如軼轍。亦不當並。中鑾并二子俱削籍。

桂萼 謚文襄

雲南傳巡撫習于桂。少保萼為同鄉。在滇時。令一僕以金石二礮。通於桂。標題曰黃雀銀魚。桂受而語僕曰。語爾主。此處來不得。南京去罷。踰月。遂擢南京大理寺卿。行至鎮遠。而亡。士有紀以一絕曰。黃雀銀魚各一嬰。長安陌上肆公行。若

教冢宰持公道安深南京大理卿

方猷夫

廣東有西樵山方因號焉

方猷夫賜告里居遂以廣田益宅為務有緇廬地  
勝屋多方因規為已業假官府法驅逐僧釋一  
空主僧有識曉詩瀕行大書一律於壁曰慌忙  
收拾舊袈裟點檢行囊沒一坎袖拂白雲歸洞  
口擔挑明月到天涯可憐松頂新巢鶴孤負籬  
邊舊種花分付犬猫隨我去莫教流落俗人家

霍尚書韜亦嘗取寺基為宅浼縣令逐僧僧去  
書于壁云學士家移和尚寺會元妻引老僧床  
霍愧而止方猷未湛若水家居時邑有婆婦  
多贊有色欲改適方湛皆欲納為妾而競委禽  
婦曰吾將自擇所歸方湛乃各放舟遊湖婦潛  
觀之語媒曰吾欲適方以方雖懼年則少方遂  
納之湛亦小有言湛語人每以隨處體認天理  
為要居鄉時凡山川佳勝田庄膏腴者假以建  
書院置學田為名必得之為自殖計皆資勢于  
門生官其地者經營鄉人嘗曰此甘泉隨處體  
認天埋也

夏言

謚文愍少時父鼎為臨清知州侍父官

邱推意漁色嘗潛矩媚宿邸中為諸無  
賴所執賄以數百金始免媚有一塊玉者  
尤夏所昵後夏以議四郊禮驟擢部佐時

猶安寓書州人王姓者俾致為妾則娼已  
久家款商而南矣王嘗集夏顯晦割為冊  
耀人此書亦在內  
因得聞于見者

嘉靖庚寅間夏公言為兵科都察院中議郊禮  
加翰林院學士掌科事又服四品服色許公誥  
指其事為對曰七品徂門五品官四品服色以  
學士五品給事中七品也竟無人能對

嘉靖壬辰天下選貢之士就試職試禮部者一百  
人是日雨尚書夏言為對曰涼雨增前老

鶴鳴廣堂長日試諸生秋風桂闕飛騰意春水  
魚龍變化情須信朱衣能指點未論藻鑿盡分  
明聖朝雅重師儒職莫使蘇湖獨擅名侍郎顧  
鼎臣湛若水吏部尚書汪鏞和馬夏公命諸生  
皆和諸生各一詩進公諭曰子輩雖以貢來實  
無異於科甲故吾詩中秋風桂闕飛騰意春水  
魚龍變化情道其實也子輩勉之蓋自禮部考  
試以來未有以詩慰勉諸生者諸生亦未有人

人能和者今日亦一奇事盍相與傳之名曰南

宮試士倡和錄夏言在禮部時內閣惟李時一

醜齒不堪者皆運積東長安街側多為有力者

潛取用李時偶與郭武定鄭言羅醜類舊皆滿

目今何其零落郭笑曰孰敢竊皆夏宗伯擯去

禮部躡以望內閣耳言雖戲實洵夏心是年冬

夏遂

八閣

李時嘗以臘鷄獨擅江南味戲夏言夏即應以響

馬能空冀此群人嘲江西以臘鷄畿輔以響馬

故二公各指所籍為戲

嘉靖戊戌間江行人鯤以進士授素有心疾憂貧

雉經王御史弘道以小事拂意自剄夏公言即

事為對曰自經溝瀆其何以行之哉執其鸞刀

不可以入道也人以為警切不踰十年夏又身

首異處於都市世事不可料如此

嘉靖戊申間夏公言以議套致大辟士為桂洲行

吊之曰大江之西神物多有洲寄在廣陵阿八

月桂花發奇種望中鬱鬱還我我繫艇登岍窮

勝槩樵渚漁磯互款乃。負手行吟前致辭。笑入  
竹叢殊賴唵。老翁顧予指點云。此地名卿胡不  
聞。當年貴幸固無匹。于今久廢成荒瀆。天子欲  
正四郊禮。特遣近臣宣上意。公時秩主講禮官。  
倉皇奏入輒稱旨。神機中外窺莫由。雲龍風虎  
渠能投。一歲九遷未為晚。身緋腰玉如公侯。詔  
許治第東華陌。飛樓高插青雲拍。洞房寔宵藏  
麗人。廣庭虛靚延詞客。有時休沐出承明。盡筵  
列炬排簪纓。翠盤玉袖凌波舞。明眸皓齒蹋歌  
行。東方未明趨大禁。中貴傳宣侍休閒。從容賜  
饌大庖羞。咫尺龍顏日親近。萬幾清暇茂對時。  
君臣同遊樂可知。三春沂水鶯花曲。五月重華  
御作詩。元首股肱心膂共。盥梅舟楫相資重。文  
明遠邁夏商周。治効何云漢唐宋。司扇承望風  
音嚴。芳洲新桂誰敢拈。每遇中秋時序至。香雲  
千頃飄瀛織。樂極生悲泰生苦。河湟議起邊臣

死甲第南消桂嶺雲繁華東咽石塘水藪芋駢  
首就芟屠桂林從此亦蕭疎夜月聯躡聚鳧雁  
秋風日夕詩樵漁言竟飄然鼓柁去覺悟浮生  
如寄語欲徃後之盡古今白蘋滿地無尋處桂  
洲乃公別號

嘉靖己酉間有貼飛語輔臣門曰夏桂洲夏桂洲  
不識羞天晴不肯走只待雨淋頭嚴介溪嚴介  
溪損他人安自己善惡到頭終有報只爭來早

與來遲

夏言曾銑皆不得其死及成寧侯仇鸞  
疾篤親見二公守之乃于牀上稽首謝

罪對妻子名言之  
竟以疽發背死

嚴嵩

字維中號介  
溪分宜人

嚴嵩十二歲游郡庠有提學為句曰玉闕千里鄉  
心一片雨絲絲嚴曰金闕九重聖壽萬年春蕩  
蕩識者以為有宰輔氣

弘治乙丑潯州張涇川潔為受卷官見嚴嵩制策  
驚人擊節稱賞既而不得預一甲之選為之扼

晚太息後嵩以編修使粵過全濬贈以詩曰  
回首玉堂天上遊。驚看玉樹過南州。登科豈必傳  
三唱。受卷曾知讓一籌。館閣栽培他日地。文章  
經濟古人流。湘山夜雨皇華驛。傾倒能令老病  
瘳。嵩訓詩曰。曾隨玉署瞻先達。愧謁龍門已後  
時。往事殷勤勞晤語。非才流落負心知。湘山夜  
雨留觴久。灘浦春波放棹遲。別後雙魚難定覓。  
但吟佳句一相思。

楊少師晚號石齋嚴介溪為賦云。自管愛此石齋  
居。因得名。省身成砥礪。北德象堅貞。色染雲岷  
古。陰留竹柏清。補天功已鉅。障海力猶勛。瑞擬  
川珍貢。高看國柱擎。巖崖方紀頌。漱渚詎關情。  
願以如磐固。千秋奉聖明。

國初故事。立春日。京兆役民。以鼓笛管歌。沿門報  
春。嚴介溪有詩曰。舊都遺俗是昇平。又聽盈門  
鼓吹聲。柏酒競傳知臘味。土牛初獻識春耕。萬



家梅柳開煙市。雙闕星河隱鳳城。萍海客遊今  
老大。自慙癯質玷華纓。

胡孝思 續宗 自跡可泉嚴介溪題云秦安卦山北

相傳有異泉。胡公讀書處。釣月弄潺湲。漱玉雲  
根淨。牽蘿雪瀑懸。夜絃翻雅調。春甕瀉芳涓。江  
海覃餘澤。山林結靜緣。鑑澄心比瑩。膏潤賜同  
蠲。地以高賢勝。圖將美蹟傳。次山文筆健。巖石  
幾銘鐫。

唐汝楫狀元及第嚴介溪贈以詩曰榜書華蓋胤  
明開。第一仙人得上才。三月韶光融禁苑。九天  
嘉氣擁樓臺。文成畫說蟠胸錦。臚唱初驚遶殿  
雷。此日重聞占喜信。泥金借問幾時迴。

胡續宗 字孝思 天水人

胡孝思嘗為蘇郡守才敏風流前後罕儷公暇多  
游行湖山園亭間從諸名士一觴一詠題墨淋  
漓遍於壁石後遷御史中丞撫河南肅帝幸楚

為一律紀事云聞道鑾輿曉渡河。嶽雲縹緲護晴珂。千官玉帛嵩呼盛。萬國衣冠禹貢多。鎖鑰北門留統制。璿璣南極扈羲和。穆天八駿空飛電。湘竹英皇淚不磨。刻之石後以他事坐罷家。居者數載矣。嘗朴一貪令王。聯其人為戶部主事。以不識免。殺人下獄。當死。乃指穆天湘竹為怨望。呪詛而所繇成獄。及生平睡眦皆指為孝思。奸黨奏之上。大怒。悉捕下獄。欲倫分宜相。

陶真人力救解久之。乃罷免。猶摘杖孝思三。當是時孝思將八十矣。了不怖懾。取錦衣獄柱械之類八。曰制獄八景。為詩紀之。眾爭咎孝思。掣其筆曰。君正坐詩至此耳。尚何吾伊為孝。思澹然咏不輟。曰坐詩當死。今不作詩得免。死耶。出獄時謝茂秦。貽之詩有云。白首全生逢聖主。青山何意見騷人。孝思方病杖創甚。呻吟間猶口占韻以謝人。謂孝思意氣差勝蘇長公才。

不及耳

孝思守吳日於諸生最好黃勉之王履吉袁永之而不能知陸浚明黃王俱不

振以死而永之領解甲第臚傳浚明再魁省會試館選第一為給事中主試浙江時孝思以左叅政與鹿鳴宴頗遭譏訕人而不與也

任即舒芬榜進士

嘉靖間任佃以御史謫江陵知縣或有公移與隣

縣知縣輒稱即將某人如何某事如何隣縣知縣不堪因署其公移尾答之曰即將即將又即將即將二字好難當寄與江陵任大尹如今不

是繡衣即任見之嘿然聞者為解頰

徐如珪

徐侍郎如珪謫出復以遷廷評入不欲忘舊街投

臺中刺曰臺末於他刺曰臺駁又有太常少卿

白若珪性謙下投諸權貴人刺曰眇眇小學生

一好事者作詈云臺末臺駁眇眇小學同是一

珪徐如白若聞者絕倒

嚴訥

嚴相君訥蘇人面麻高相君拱河南人作文常用  
腹藁俚語謂蘇人曰鹽豆兒謂河南人曰鹽二  
公相遇高笑嚴曰公豆在面上嚴即應聲曰公  
草在腹中一時捧腹

張居正

字叔大號太岳江陵人萬曆間官少師

張太岳舟泊漢江望黃鶴樓賦詩曰楓霜蘆雪淨  
江煙錦石遊鱗清可憐賈客帆檣雲裏見仙人  
樓閣鏡中懸九秋槎影橫清漢一笛梅花落遠

天無限滄洲漁父意夜深高詠獨鳴舷

萬曆丁丑張太岳子嗣修榜眼及第庚辰懋修復  
登鼎元有無名子揭口占於朝門曰狀元榜眼  
姓俱張未必文星照楚邦若是相公堅不去六  
即還作揆花即後俱削籍故當時語曰丁丑無  
眼庚辰無頭

李言恭

字惟寅號秀巖泗州人隆萬間臨淮侯

李月渠僉憲招臨淮侯飲黃鶴樓臨淮有詩曰勝

地○慚○非○作○賦○才○青○尊○今○向○大○江○開○當○年○黃○鶴○雲○  
中○去○何○處○梅○花○笛○裏○來○風○捲○潮○聲○喧○鳥○嶼○日○斜○  
帆○影○上○樓○臺○相○逢○俱○是○它○鄉○客○休○問○湘○陵○杜○宇○  
哀○

李臨淮再過京山縣觀音崖留詩云車塵千里楚  
江○西○今○得○高○山○且○暫○栖○湖○海○幾○年○違○故○國○春○風○  
兩○度○入○招○提○飛○泉○常○傍○懸○崖○落○野○鳥○獨○藏○深○樹○  
啼○爲○覓○老○僧○談○四○諦○半○樓○煙○月○暮○雲○低○

堯山堂外紀卷九十六終

泰山堂外紀卷九十七

晉陵蔣仲舒編

國朝

文壁

字微明以字行溫州刺史林次子也原籍衡山人故父子皆寫衡山父自號交木微明生少後于祝允明而與徐禎卿唐寅齊名友善已又與蔡羽王寵同傾一時諸人皆先卒惟微明在名益起

文衡山不就寧藩之徵有病起遣懷二律云潦倒

儒宮二十年業緣仍在利名間敢言冀此無良

馬溪愧淮南賦。小山病起秋風吹。白髮雨中黃  
葉暗。松閑不嫌窮巷。頻回轍。消受爐香一味閑。  
經時卧病。斷經過。自撥閒愁對酒歌。意外紛紜  
如命在。古來賢達。患名多。千金逸驥。空求骨。萬  
里冥鴻。肯受羅心事。悠悠那復識。白頭辛苦服  
儒科。後寧藩敗。凡應辟者。崎嶇萬狀。公獨晏然  
始知公不可及云。

文衡山食性多禁。尤不喜楊家果。人或笑之作解  
嘲詩曰。南風微微朝夜吹。暑雨未到山中時。此  
時珍果數何物。五月楊梅天下奇。纖牙彷彿嚼  
冰雪。染指頃刻成臙脂。論名列品俱第一。我雖  
不解猶能知。天生我口慣食肉。清緣却欠楊梅  
福。冰盤堆浸紫葢。涎常年只落供吟目。千金難  
致漢北寒。北人老去空垂涎。渠方念之我棄捐。  
食性吾自知。吾偏十年枉却蘇州住。坐令同儕  
笑庸鄙。幾回欲作解嘲詩。曾未沾唇心不死。葉

生生長楊梅塢。眼看口啖日千顆。願从君口較如何。補作西崦楊梅歌。

嘉靖初林見素再起為刑部尚書方到京適文衡山應貢至見素首造其館遍稱於臺省諸公時喬白巖為太宰素重見素乃力為主張授翰林待詔見素曰吾此行為文徵仲了此一事庶不為徒行矣在翰林大為姚明山楊方城所窘時昌言於衆曰我衙門中不是畫院乃容畫匠處

此即惟黃泰泉馬西玄陳石亭與衡山相得甚歡時共酌唱有雨中放朝詩云霏微芳潤浥霓旌。歷落丹墀散履聲。暝色浮煙迷左掖。碧雲將雨近西清。柳垂青瑣千絲重。水落銀橋萬玉鳴。沾灑不辭袍袖濕。天街塵淨馬蹄輕。

承光殿在太液池上一名圓殿中有古栝數百年物也文衡山有詩云小苑平臨太液池。金鋪約戶鎖蟠螭。雲中帝座團瑤蓋。城上鈎陳繞翠旂。



紫氣曾迴雙鳳輦。青松猶益萬年枝。從來清蹕  
溪巖地。開盡碧桃人未知。

文衡山致仕出京馬上口占云。白髮蕭疎老秘書。  
倦遊零落病相如。三年虛索長安米。一日歸乘  
下澤車。坐對西山朝氣爽。夢回東壁夜窗虛。玉  
蘭堂下秋風早。幽竹黃花不負予。

文徵明詠蛙詩云。青灯照壁睡微茫。閣閣群蛙正  
繞堂。細雨黃昏貧鼓吹。誰家青艸舊池塘。年來  
水旱真難卜。我已公私付兩忘。寄謝繁聲休強  
聒。吳城明日是端陽。

錢同愛少美才華。且有俠氣與文衡山最相得。衡  
山長郎壽承即其壻也。同愛每飲必用伎衡山  
平生不見伎女。二公若薰苜不同器。然相與一  
世終不失歡。衡山嘗題一畫贈同愛云。圍坐清  
談麈尾長。墨痕狼籍練裙香。水亭紈扇歌揚柳  
春院琵琶醉海棠。王謝風流才子弟。齊梁烟月

錦篇章毫華豈是泥沙物好在揮書白玉堂蓋  
寫同愛之風流宛如畫出而衡山才情美麗當

亦不減宋廣平矣錢同愛字孔周其家累代以

兒者是也同愛少年時一日請衡山泛石湖雇

遊山舡以行喚一妓女匿之梢中舡既開呼此

妓出見衡山倉惶求去同愛命舟人速行衡山

窘迫無計同愛平生極好潔有米南宮倪雲林

之癖衡山真率不甚點檢服飾其足紉甚臭至

不可向通衡山即脫去襪以足紉玩弄遂披拂

於同愛頭面上同愛至不能忍即令舟人泊舡

放衡山登岸錢同愛與馬承學同學承學好

馳馬同愛戲曰馬承學學乘馬汲汲而味馬應

曰錢同愛愛銅錢孜孜為利二大撫掌大笑

文衡山最喜評校書畫每客至輒入書房中捧卷

出展過後捧入數反不倦一日何元朗來訪衡

山書一掛幅贈之曰高天厚地千年句虹月蒼

江百里舟君似南宮抱溪癖我於東野欲低頭

蒼苔白石柴門迥寂畫清陰別院幽自笑子雲

甘落寞故人麈尾肯淹留後題云元朗自雲間

來訪兼載所藏古圖書見示淹留竟日奉贈短

句高天厚地乃孟東野詩中語也

卷之九十七 五

徐髯仙霖金陵人數遊俠斜其所填南北詞皆入

律青樓俠少推為渠帥文衡山題一畫寄之後

曰樂府新傳桃葉渡彩毫遍寫薛濤箋老我別

來忘不詩令人常想秣陵烟蓋亦有所取之也

正德末上南征嬖伶臧賢薦霖於上俾填新曲

也後迴鑿事始解南都自徐髯仙後惟金在

衛鸞最為知音善填詞其嘲調小曲極妙每誦

一篇令人絕倒散套中馬上抱鷄三市門社中

携劍五陵遊最勝乃用晚唐人羅江東詩也

王寵字履吉號雅宜蘇州人嘉靖間貢士清

夷恬曠與物無競人擬之黃叔度云

王雅宜嘲六十再娶詩云六十作新郎殘花入洞

房聚猶秋燕子健亦病鴛鴦戲水全無力唧泥

不上梁空煩神女意為雨傍高唐浙人有嘲年

六歲女為繼室者云二八佳人七九郎婚姻何

故不相當紅綃帳裡求歡處一朵梨花壓海棠

黃省曾字勉之號五嶽山人

黃五嶽從空同子刻意為詩竟成一家歲暮述志

云揚雄草玄閉環堵夜夜青藜徒自苦荒徑三

條翳草萊仙經一帙披龍虎綵綬浮雲昔已看

黃山堂夕紅卷九十一  
黃金北斗何須數。世務紛紛不可干。寸心獨抱  
羲皇古。

黃勉之風流儒雅卓越罕群。嘉靖戊戌當試春官  
適田子秬過吳門與談西湖之勝。便輟裝不北  
上往遊西湖盤桓累月。勉之自號五嶽山人。其  
自稱於人亦曰山人。田戲之曰子誠山人也。癖  
耽山水不顧功名。可謂山興。瘦骨輕軀乘危陟  
險不煩筇策。上下如飛。可謂山足。目擊清輝便

覺醉飽飯纔一溢。飲可曠旬。可謂山腹。談說形  
勝窮狀奧妙含腴咀雋。歌詠隨之。若易牙調味  
口欲沅涎。可謂山舌。解意蒼頭追隨不倦。搜奇  
剔隱以報主人。可謂山僕。備此五者而謂之山  
人不亦宜乎。坐客為之大笑。

李嵩

南所  
先生

李南所隱居陽山。以詩酒自娛。性狷介不妄交游。  
日惟獨憑一几焚香玩易而已。所居之室扁曰

學易處嘗有詩曰一室焚香几獨憑。蕭然興味似山僧。不綠嬾。出忘中。擲免得。時人有愛憎。年七十二病亟。家人迎醫。閉目搖手曰。數盡矣。留連何益。竟坐逝。嘉靖壬辰六月也。

高瑤

閩人

高瑤尹番禺。日鎮守府紅桃盛開時。九月也。三司諸公並有詩詠。久之。索題於高。乃為絕句云。九月雷聲震海涯。絳桃開遍五侯家。殷勤報與寒

梅道。莫逐東風浪。放花。

陳瓚

字成玉閩人

陳成玉善謔。友人周行可續絃。謔以詩云。十分春色海棠開。雲雨漫天暗裡來。可是東君勤愛惜。煙簑乘夜護花臺。行可多鬚。故嘲之云。

張傑

字子興仁和入

杭州西湖盛起於唐。至南宋建都。則遊人仕女。盡舫笙歌。日費萬金。盛之至矣。時人目為銷金鍋。

張子興有詩云誰為鴻濛鑿此坡湧金門外即  
瑤池平沙水月三千頃盡舫笙歌十二時今古  
有詩難絕唱乾坤無地可爭奇溶溶漾漾年年  
綠銷盡黃金總不知

宋太素中酒詩云中酒事俱妨偷閒就黑房靜嫌  
鸚鵡開渴憶荔枝香病與慵相續心和夢尚狂  
自今改題品不號醉為鄉張子興亦有中酒詩  
云一枕春寒擁翠裘試呼侍女為扶頭身如司

馬原非病情比江淹不是愁舊隸步兵今作敵  
故交從事却成讐淹淹細憶宵來事記得歸時  
月滿樓時以為非真中酒者不知此味

金編修璐未仕時為外家張氏作誌謹依金石之  
例不書婦姓婦家乃俗夫也意編修為輕已而  
背言詆之張子興口占長短句嘲曰張翁墓誌  
金生執筆不書婦氏婦家稱屈金生自謂能文  
字纔動筆時便忍氣韓退之柳柳州蘇東坡歐

堯山堂外紀卷九十一  
陽修當時墓誌。做多少。畢竟門前罵不休。

即瑛 字仁寶 杭州人

正德中年京都士人勿以巾易帽四方效之。販夫走卒亦有僭用者。即瑛有口占曰。忽出街衢不柰看。今時人物古時冠。望塵走俗人心厭。况又庸人戴一般。友人孫體時一日戴巾來訪。恐瑛謂之途中預構一絕。瑛見而方笑。孫對曰。予亦有巾之詩。遂吟曰。江城二月暖融融。折角緇巾

透柳風。不是風流學。江左年來塞馬不生。騎二人相對一笑。

嘉靖初。即瑛將遊南都。有事于學宮。適值葉敷論相新至。召而言曰。汝能作詩。則行。遂指亭前芙蓉為題。瑛書一絕呈之。云。名花不聞艷陽粧。自向儒宮醉晚陽。莫道秋容顏色淡。野梅凌雪有天香。葉知有為。故意復曰。我欲題折枝者。瑛不

陸枝今日悲秋人見汝有何奇句動吾師葉笑  
而放之逾二年乃子索題芙蓉扇面偶感前事  
書曰莫向芙蓉怨不平風塵後古困儒生當年  
錯恠淮陰少自有王孫未有名它日乃父見之  
謂瑛曰汝尚記憶前事耶因出酒命酌痛歡而  
罷

嘉靖中有好為六朝詩者不獨巧麗且欲用不經  
人道之語易字換句遂至妄誕不稽金編脩

瑤

作詩嘲云何處歌新調旖旎固不群剪花金瑤  
瑣闥葉玉紛紛巧疊空中錦輕裁水上雲自慚  
心太拙到此不能文又虞子匡一日遞一詩示  
郎仁寶請商之仁寶三誦不知何題虞曰吾効  
時人換字之法戲改岳武穆送張紫陽北伐詩  
也其詩曰誓律飈雷速神威震坎隅遐征逾趙  
地力戰越秦墟驥蹂匈奴頸戈殲韃軀旋師  
謝彤闕再造故皇都岳之蹠令風霆迅天聲動



北輒長驅渡河洛直擣白燕幽馬蹀月氏血旗

梟克汗頭歸來報明主恢復舊神州不過逐字

換之遂撫掌相笑

珞與珊兄弟齊舉嘉靖乙巳天下十荒八九百物騰湧時

疫大行餓殍橫道

來來去忙不飲千觴飲百觴今年若還要酒吃

除却酒邊酉字旁謂飲水也

不殺鵝時也殺羊今年若還要鵝吃

鳥字旁謂

殺我也

程文憲

鄱陽人

程文憲少與其兄隘齋及友人徐朝信修業於南

子寺主僧名復先者後文憲筮仕鎮江一日

持朝信所撰提綠疏并隘齋書令為遍干門第

之媒文憲贈金帛歸後文憲謝病還里隘齋仕

維揚興化僧亦往謁之口占一絕寄云南天和

尚雪盈頭遠泛維揚一葉舟帶去潤州抄化疏

也應添却隘齋愁不二年朝信官東安僧又告

文憲而往文憲寄詩云東安官舍冷如冰杖錫

秋風興欲乘疏是先生親筆撰不須懊惱怨山

僧僧因梗於足不果啟行無何事不戒於火文  
憲聞之作詩云紺宇緇宮盡掃除如何回祿妬  
浮屠不知跛足髡頭子救得提緣疏也無聞者  
大笑

鄱陽荻湖灘有神祠祀楚三閭大夫鄉人崇信極  
篤稍有拂逆疑神為祟香炬輝煌牲軟無虛日  
每歲有秋抄化鉦鼓動地程文憲偶寓其所童  
子請肅衣冠捧爐香遠迓之文憲笑而作詩曰

懷襄利祿渺如塵魚腹甘心葬此身可笑鄉人  
汚忠節沿門抄穀漫扛神粘門扉而高卧至則  
周旋數回而去不數日庄僕子女疾作陰有怨  
言文憲聞書數語命往決之靈均之號兮奚憑  
同列之讒兮奚名相將以蠱惑兮奚君離騷既  
作兮九歌復鳴精忠凜凜兮披誦猶生願言一  
白兮庶幾乎徵君之靈神降茫然無知惟曰汝  
有灾咎神本不祐但念汝主甚賢故為轉移之

無憂僕喜而歸疑竟釋用是鄉人諂棄之態少  
追焉

張嘉猷 字獻叔閩人性嗜酒有晉人風致

張嘉猷為龍泉教諭王御史應箕亦同鄉人巡按  
至慶州張欲王以出格之禮相待而王反甚踞  
二合槩府縣學官而試之張不得已勉強就試  
王以秋江晚霽命題張落句云芙蓉最是無情  
物又向前溪作晚陰王覽之大怒痛恨入骨蓋

王之未遇時其母改節適人前溪故張辱之也

一次日對眾官漫然嗔罵將別一教官重責十五

下而張亦竟署最下考左遷 張他作如獨憐芳草別共醉菊花盃

坐席流花氣征鞍拂柳絲可謂俊雅

何良俊 字元朗號柘湖華亭人與弟叔皮稱東海二何

何元朗為南京翰林院孔目董潯陽贈五言律三  
首其一曰執戟余方倦摘詞爾獨雄人分兩都  
別官為陸沉同長路多秋草虛堂急暮虫更憐

荆山堂夕照卷九  
他夜月清影隔江東其二曰載筆新供奉承恩  
舊帝京離宮通秘署江水切蓬瀛待問稱書府  
高談謝墨卿通來聞紙貴知爾賦初成其三曰  
行行遠送將此去羨仙郎作吏真成隱之官却  
到鄉千峰在城闕一水限河梁別後憑誰寄  
心  
籬歲歲芳

嘉靖戊午何元朗致仕南都諸公押鶯字韻詩以  
贈朱射陂後一聯云烟渚野陰滋吠蕙宮城曙  
月響山鶯其前二句諸公悉不能解獨許石城  
一聯云買得曲池堪開鴨種成芳樹好藏鶯為  
諸公嘆賞

何元朗寓居姑蘇時嘗過皇甫百泉小飲百泉次  
日作詩來謝中一聯云甕非隣舍酒鱸是故鄉  
魚後已巳年元朗移家歸松王玉遮來訪泊舟  
河下酒半作詩贈元朗舟中自取一軸書之對  
客揮灑立就中一聯云門柳舊五樹江鱸新四

腮同時諸人以為摹寫極工對門老儒朱野航頗攻詩館于王氏

與主人晚酌罷主人入內適月上朱得句云萬事不如杯在手一年幾見月當頭喜極發狂大

叫叩扉呼主人起詠此二句主人大加擊節取酒更酌明日徧請善詩者賞之大為張具微戲

樂笛連數日吳下風流雅致如此

鎮江鄒佩之以詩名家其子亦有文何元朗歎之

飯見其扇頭有細書詩數首取視之中有一聯

云匣有魚腸堪借客世無狗監莫論才何極愛

之以為近代之詩亦難得如此者後題名曰陸

君弼後訪之陸乃江都人歐崙山弟子

田藝蘅字子執錢唐人汝成子

李白浣沙石上女詩一雙金齒屐兩足白如霜屐

以木為之即今之木屐古婦女亦着之今廣東

婦女雖晴天白晝亦穿木屐田子執嘗戲給事

中李孺微云樂府有雙行纏今南海可謂雙行

屐矣因作雙行屐云荔枝醉頰頰末麗蟠清馥

孔雀隱蘭皋佳人出茅屋繡帛謝纏綿赤脚幸

馳逐白足越羅裙。紅履竒南木。金齒滑不磨。玉  
趾纖可掬。西子畫屨聲。東陽素波沐。不雨石琳  
瑯。無雷車。輾輾烈日響。洞房良宵展。即腹非乏  
蓮花承。頰獸笋芽縮。知音美自然。絲竹不知肉。  
孺微笑曰。足可補香奩新詠也。他日與李兵部  
少偕在西湖席上。以金蓮小命題索賦。田復戲  
之曰。貴地惟有雙行履。耳舉以誦之。軒渠不能  
自己。

具區東山有井淵。溪亘測世呼柳毅。井即唐所傳  
洞庭君女歸柳毅事。言至今風月夜。往往見彼  
雙雙出遊嘉靖辛丑。田子執同中書舍人王子  
蔡子同游酒酣。因吟曰。橘花垂蔭碧。闌干此地  
曾經柳毅傳。卿亦有書吾肯寄。汲深千尺輾轡  
縣時林月漸明隱隱見。橘柚影中一美人。掩映  
若隔煙霧却前遙。吟曰。橘花如雪晚風清。迢迢  
關山春夢驚。明月一天涼似水。不堪重省舊時

情即追討其跡杳不可得質明欲闢地祠之鋤  
下磴然有聲得一石碑題曰龍井神女祠因建  
宇于其上

蕭鳳質

奉新女子

嘉靖間蕭鳳質之夫游學在外屬小疾鳳質為言  
寄之有云聞不安恨東西相隔妾職有所不能  
書徒涕泣懷念而已小詩慰勉詩云欲把相思  
遠寄君恐教牽動讀書心。閑花野草休關念養

取葵心向紫宸

瑞州劉梁入文光廖華人暹羅靖乙丑會試京師廖從老嫗買

妾偽指劉曰娶汝劉君也女即拜劉劉辭謝則  
曰老嫗請劉講婚劉曰娶妾者廖也非我也嫗  
歸語女女誓曰吾既拜劉業已許矣皇天志  
不然有死而已劉不得已曰後三年方得來  
士矢無它適劉遂納聘辭赴南雍酌酒為別  
詩云玉手織纖捧玉盃仙郎南去幾時回天涯  
到處生芳草須  
記凌寒雪裡梅

元山堂外紀

上終

元山堂外紀

七

十八

堯山堂外紀卷九十八

晉陵蔣仲舒編

國朝

廖道南

字鳴吾湖廣先是中卷正德辛巳會元張治綦陵人廖蒲圻人其三人亦

並楚產考官曰此湖廣鄉試榜也先是帝星明於江漢故世廟以此歲由興藩入繼大統而魁選又應文星故改湖廣為南卷而鄉試亦增五名

廖道南為舉人卒業南雍與南妓陳淑女狎廖有

詠裹足一絕曰白練輕輕裹金蓮步步移莫言



長在地也。有上天時。又嘗與陳聯句詠。穩卓一  
絕云。木屑原來斧鑿成。廖暫來低處立功名。陳  
雖然不作擎天柱。廖也。斷人間枉不平。

嘉靖甲午間。廖道南以議建九廟被春。大擢如在  
即時。倫公以訓典。廖同官。遇弗逮。心頗不平。廖  
忽謂倫曰。吾有句云。人心不足蛇吞象。倫即應  
穀曰。天理難容。獺祭魚。倫籍廣東。廖籍湖廣。百  
粵有蛇蠻之誚。荆楚有乾魚之譏。故舉以相嘲。

云。廖後以公喪歸。西迎。於承天衣紅上。弗悅。罷其官。

高叔嗣

字子業。號蘇門。洛陽人。嘉靖癸未進士。生支干。與為漢友。諒同。既遷楚。具恒邑。邑不自持。發病卒。寔友諒。彭湖之歲。

高蘇門飲平定孫太守宅。孫時壽八十二。蘇門贈

詩曰。榆關月出滿晴暉。留客芳尊盡夜歸。本憲  
青山。醉虎竹。甘垂白髮守漁磯。藥欄傍戶花香  
入。藤樹當庭葉露微。便向磻溪問。哀健周王仍。

欲夢熊兆。

叔嗣未弱冠。著中情賦。萬言。大梁之士。駭曰。高氏才子也。

袁襄

字永之嘉靖丙戌進士授兵部主事因兵部火謫戍松江以終

袁襄七歲時即穎悟殊等所親有仕為泰安吏日

歸者以扇索詩遂信手書云蓮幕清風滿泰山

歸來林下一人間宦情恰似秋雲薄相對黃花

滿笑顏

袁胥臺次電白觀海留詩云電白城高海上開飛

樓千尺俯蓬萊三山隱見從空起八極溟濛入

望來蜃氣朝蒸疑是霧潮聲晝湧忽如雷遙思

驅石當年事直欲乘槎去復回

陸粲

字浚明一字子餘

陸貞山幼善屬對錢漕湖秋日過其家指庭中樹

曰秋聲在樹鳴金鐵即對云山色當窗罨畫圖

謝樂全見其目秀言聰明露在眼上應聲云錦

綉羅於胸中時年甫六七歲耳稍長同陸象孫

會客曰圍棋賭酒一著一酌客無以應粲即云

何不對坐滿觀書五更五經他若臣作股肱耳

目對予敷心腹腎腸五事貌言視聽思對七音  
宮商角徵羽又棗棘為薪截斷劈開成四束間  
門起屋移多補少作雙間此類甚多

梁兄來亦善屬對東郊巡按蘇松刷卷許御史戲  
云北臺東御史西人巡按南方東不能屬承私  
為對云冬官夏侍郎春日辦完秋稅又一人出  
對與學子云呵硯作書口內風雲生黑雨采亦  
代為屬云鋪牌買快掌天地現金星

陸世明陸浚明同宗也俊材亦思聲稱藉甚舉于  
鄉赴省試下第歸過臨清鈔關錯認為商令納  
稅陸即書一絕呈主事云獻策金門苦未收歸  
心○日○夜○水○東○流○扁○舟○載○得○愁○干○斛○聞○說○君○王○不  
稅○愁○主○事○見○詩○驚○愧○亟○迎○入○款○贈○甚○厚

金陵一妓能詩善鼓琴以月琴自號陸世明過其  
家口占點絳脣贈之云三尺冰絃夜深彈破青  
天窳意中人杳只有清光到雲雨無緣總是相

思調愁懷抱嫦娥心照訴與他知道妓求室中

春聯即接筆書云半窗花影人初起一曲桐音

月正中妓讚誦不已徐言中字恐不如高字世

明欣然易之金陵教坊妓齊錦雲者能詩善鼓

傳春眷愛更不他接春受仇事誣繫獄錦雲脫

簪珥為餽給時或不繼售卧褥供之後調戍遠

雲因賭一絕一呷春醪萬里情斷腸芳草新腸

歸蓬首垢面閉戶不出日讀佛書未幾病没人

明號霞山武進人

明同陳總戎宴白康斂園留詩曰山城春盡柳

花香亂撲王孫雲錦裳萬巧共看金作谷百壺

那惜玉為漿賓朋得意心俱醉節鉞宜人氣自

揚愧我請纓今已暮江東留滯一清狂

有業縫衣者以賄得獎冠帶顧霞山嘲曰近來仕

路太糊塗強把裁縫作士夫軟翅一朝風盪破

分明兩個剪刀箍

顧霞山坐事亡命過河墅閔閔吏呵止之顧獻詩  
 曰落魄江湖過滸頭瀟瀟行李一扁舟撐腸柱  
 腹三千卷盡欲濡君助國謀主事亟延接之厚  
 贈去

皇甫汈

字子循號百泉錄之子長洲人嘉靖  
 己丑進士官稽勲即中兄中汈弟濂

皇甫汈詩特工五言至七言近体薄不多作汈卒

蔡子木悼之云五字。沉吟詩品絕。一官顛顛世

塗難時以為實錄蔡每對人讀輒哽咽淚下

皇甫汈赴丹陽廣福寺與弟汈言別云古寺碑題

西晉年澄湖如練倚窗前寒雲自覆金光殿荒

艸猶埋玉乳泉楓葉染霜秋後色雨花和梵夜

中禪亦知闕水同觀世不柰潮聲送客船

皇甫汈訪李伯華太常有詩云拂衣歸卧一丘安

命駕何辭千里難書揮高樓蟲蠹盡棋拋別墅

鳥污殘雄心每向詞中發變態都将戲裏看自

愧交知成白首猶持長劍倚人彈伯華以善相  
名又嘗作寶劍記故司勳及之

唐錢起郎士元並擁大名自丞相以下更出作牧  
二子無詩祖餞時論鄙之皇甫子循與蔡子木  
同官陪都頗亦似之後子循在澶州寄懷詩末  
云日日江頭聞送客每于詩卷恨錢郎

崑山顧茂儉妹乃雍里方伯之女皇甫百泉之甥  
也嫁孫僉憲家為婦甚有才情嘗有春日詩云

春雨過春城春庭春草生春閨動春思春樹叫  
春鶯

### 蘇志臯

京師宣武門外有寺曰歸義凡士大夫送行多于  
其間嘉靖中刑部副郎蘇志臯一日餞客先至  
僧房壁間有李鎮所畫判子一副迺脫靴為壺  
令一鬼執而投之一鬼執酒壺於判後竊飲之  
蘇因暇戲題詩以嘲云芭蕉秋影送婆婆醉裡

蘇山堂外紀卷之六十八  
觥籌射鬼魔到底不知身後事、  
鄴都城外更如何、  
蘇友高東谷時為光祿少卿、  
夜夢綠衣使者、  
揖曰、蘇司寇、  
嘲戲太重、求為解之、  
次日高告于蘇、  
蘇思而告以歸義之故、  
兩人相笑、別去、  
高復夢綠衣曰、  
我以公與蘇司寇交厚、  
專為求解、何置不言、  
高明日、  
願往蘇處、  
特拉同至、  
歸義復題云、  
蟠龍頻竊酒、  
頗傾總是區區兒女情、  
莫道不知身後事、  
目光如電照幽冥、  
是夕高復夢綠衣來謝、  
蓋亦異云、

蔡汝楠 字子木、號白石、  
德清人、嘉靖壬辰進士官大司空

揚州郝侍御構東園、  
寅樓蔡子木題云、  
大隱結樓城市裡、  
獨憐樓戶向東開、  
瓊花不受西風落、  
虛幕常迎曙色來、  
海畔三山堪寄眺、  
林間五老共傳盃、  
知君別訪長生訣、  
倚檻時時待鶴回、

許穀 字仲貽、  
號石城、  
上元人、  
嘉靖間太常卿

許石城乙酉中鄉試、  
己丑壬辰俱落第、  
出都門口



占自嘲有歸去南京無別事笑來依舊念書經  
之句聞者為之捧腹至乙未會試第一

許仲貽潞河道中寄都下諸君云長河南下客程

遙。壯。望。燕。山。翠。不。消。散。吏。衣。冠。今。故。國。美。人。簪。

佩。總。丹。霄。風。前。驛。樹。枝。搖。落。天。外。江。鴻。影。寂。寥。

何日金門還曳履雲中重聽奏簫韶

王維禎 字允寧號槐野陝西華州人生平所

推伏者獨杜少陵一日謂王元美曰

趙刑部某治狀何如曰循吏也甚慕公詩

且苦吟大笑曰循吏可作詩何可便作又

謂元美曰見王謀詩否曰見之又曰魯示

我一冊吾欲與評之渠意不受評渠欲吾

延譽令吾无可譽後念其母老病乞南得

國子祭酒歸省道經華山為文祭之大約

以母素敬神而不蒙庇即愈吾母病吾大

史也能為文以不朽神其辭頗支離恠誕

居无何以地震死西安李戶部愈素恨允

寧假華山神為文告而修之今並傳閩中

王允寧臨潼初度有詩自嘲云辛丑仲冬月二日

吾今三十五年過漫將車馬驅塵海豈有文章

艷綺羅冉冉松雲依閣度輝輝梅日傍人和他

鄉杯酒難成醉策杖驪山望故阿



朱曰藩 字子价 號射陂 寶應人 嘉靖間官副使

嘉靖中火災後朝廷將鼎新三殿令兩京各衙門  
官出銀助工時朱射陂為主客正郎嘗作一詩  
云五雲深處鳳樓開中外欣欣盡子來敢謂鸞  
鷲能割股願同鸚鵡可消災司空怪見如充物  
村僕何如歎破財安得黃金高北斗即教三殿  
麗蓬萊雖則戲調之詞然有諷有諭人以為切  
中事情云

身陂雨中過天隆寺檢楞伽遺教諸經作詩曰  
歷陽飛雨過江寒亂石高杉路萬盤不向諸天  
行處險豈知三藏到時難溪林貝葉僧翻火中  
夏枇杷鳥啄殘獨怪世緣非偶爾入門先認說  
經壇

朱射陂又有秋閨怨曰合歡樹上鳥欲栖空房織  
錦室家妻遙遙夜夜誰能柰三三五五並相携  
鏡花對影慙雙笑燭淚分行伴獨啼莫道迴文

能妙絕陽臺雲雨隔安西。

喬世寧

字景叔耀州人嘉靖間官學憲

喬景叔己酉歲以楚藩叅入賀萬壽携行卷百餘  
首示王元美元美最愛其寄王太史元思謫戍  
玉壘一律云學士兩朝供奉年上林詞賦萬人  
傳一從玉壘長為容幾放金鷄未擬還聞道買  
田臨淮口能忘歸馬向秦川五陵它日多豪俊  
空望城南尺五天

王仲山

間

將至金陵聞喬景叔遷官赴蜀詩以志

慨曰共期江上聽潮聲幾歲秋風旅雁情  
王喜舟臨桃葉渡忽聞君向蜀山行  
巴川水映琴臺落劍閣雲隨馬足生  
後會不知何日是鐘陵西望縱橫

劉鳳

字子威號羅陽嘉靖間侍御

客有談飛來峰疑其妄者劉子威戲為徵事一首  
云怪山絕越未嘗無逃石臨流不可呼縣鼓夜

穿雙去鶴。澤鍾晨響。匹棲鳧。牡飛此日。來城闔。  
雄化何年。走輓轡。豈有鐸驚。翩自至。不須流血。  
用鞭驅。

劉子威賦綠牡丹云。萼華開縹鳥。異色艷新姝。柳  
蒂烟堪似。樽傾光未殊。芰荷衣欲濕。鸚鵡鏡中  
圖。若向河陽覓。石家應自無。

劉子威擬詠彈琴孌童應令云。鴛袂玉琴清。移宮  
作上聲。小來元識曲。出性愛吹笙。掩抑兩三弄。  
低徊一再行。千秋無假喻。自絕此時情。

張幼子所幸陳姬亡後。幼子忽夢姬問佛圖澄  
佛是道。劉子威戲贈曰。月明多露夢來時。落葉  
哀蟬曲正悲。瞰見愁魂疑慘黛。似聞小語乍低  
眉。塵中幻劫元隨世。在日神通亦應期。除是解  
禪情。總謝定知無箇罷相思。

隆慶二年五月陝西民李良兩本男子無恙。忽變  
為婦人。與同夥一人合為夫婦。其弟李良雲報

官奏聞劉子威有詩曰鴻蒙乃與陰陽事猶疑  
天地未分明有時埏埴作狡獪倏忽善幻非常  
情不見晉人一旦遂為雌人事反覆絕難知牛  
哀已爾成異類蟬蛻齊后何論為丈夫作計無  
自喜早晚會隨風雲起但爾藏頭向閨裡世間  
不復幾男子

李春芳 字子實揚州興  
化人號石麓

嘉靖甲午秋有士子赴鄉試題詩于讀書之屋而

行尾句云明歲看花三月麗滿城桃李先春

蓋自寓也明年春榜李春芳作狀元以此詩為

識

世廟自號天河釣叟命群臣賦詩李春芳應制獨  
為稱旨其詩曰紅竿百尺倚潢流獨汎仙槎犯  
斗牛光拱衆星為玉餌象垂新月作銀鈎撒開  
煙水三千丈坐老乾坤億萬秋相遇玉皇如有  
問絲綸今屬大明收

初李石麓讀書句曲崇明寺中有詩與寺僧曰年  
年山寺聽鳴鐘馬長途憶遠公它日定須留  
玉帶題詩未許碧紗籠及作相僧携詩抵京師  
公解玉帶以贈僧歸建樓藏之名玉帶樓

楊繼盛

容城人其父母不睦者十年一日自  
遠歸去家三十里暮不及至回假宿

二郎神廟夜夢其神呼曰爺可速回娘候  
汝父矣及回一合遂生椒山厥狀與神最  
肖故小  
字二郎

楊椒山似感月有懷賦詩云鎖合西臺煙霧浮孤

燈相對夜悠悠寒欺草榻亦如洗風吹  
欲流報主獨憐盛孟浪論交誰復憶同游  
惟有舊時月猶自偷光入氣樓

嘉靖壬子楊椒山渡江訪惠荆川先生不值因登  
焦山題碍月亭壁云楊子懷人渡楊子椒山無  
意合焦山地靈人傑天然巧瞬息神游萬古間  
後豫章謝廷傑督學南畿摹此詩刻之石未幾  
亭圯墨跡湮滅云

揚椒山臨刑詩浩氣冲太虛丹心照千古平生未  
了事留與後人補其子應尾因號補亭後以廕  
官京師每過西市輒涕泣回車西市椒山受刑  
處也

諸大綬

字端甫號南明山陰人嘉靖丙辰狀元

高崑崙太史奉使還蜀諸南明送以詩云清宵天  
祿正然黎整捧周圭出玉墀回望五雲天咫尺  
行看三峽路迤迤晚風亂度鐘聲急曉月橫浮

真山堂外紀卷九十九

晉陵蔣仲舒編

國朝

李攀龍

字子鱗號滄溟濟南人嘉靖間官按察使其詩多風塵字樣人謂之李風塵其終也以舉筆作文心痛即死何太復亦然

李于鱗為按察副使視陝西學而鄉人殷者來巡  
撫殷以刻覈名尤傲而無禮嘗下檄于鱗代撰  
奠章及送行序于鱗不樂移病乞歸殷固雷之

入謝乃請曰臺下但以一介來命不則尺蹠見  
屬無不應者似不必檄也殷愕然起謝過有所  
屬撰以名刺往而久之復移檄于鱗恚曰彼豈  
以我重去官耶即上疏乞休不待報竟歸吏部  
惜之用何景明例許養疾疾愈起用蓋異數也  
于鱗歸杜門自兩臺監司以下請見不得去亦  
無所報謝以是得簡倨聲又嘗為詩有云意氣  
還從我輩生功名且付兒曹立諸公聞之有欲

甘心者矣

李于鱗懷宗子相詩薊門秋杪送仙槎此日開尊  
感歲華臥病山中生桂樹懷人江上落梅花春  
來鴻鴈書千里夜色樓臺雪萬家南越東吳還  
獨往應憐薄宦滯天涯子相每誦中聯自歎以  
為不可及于鱗守順德時有胡提學者過之其  
人蜀人也于鱗往訪方掇茶次漫問  
之曰楊升菴健飯否胡忽云升菴錦心繡腸不  
若陳白沙鳶飛魚躍也于鱗拂衣去口咄咄不  
絕後按察關中過許中丞宗魯許問今天下名  
能詩何人于鱗云唯王元美其次為宗子相時

子相為考功郎許請子相詩觀之于鱗  
忽勃然曰夜來火燒却許面赤而已

殷太史正甫至自泰山李于鱗贈詩曰明堂天子  
昔登壇御道風流擁漢官海色迴臨三觀動春  
陰不散五松寒白雲忽向封中出玉牒誰從篋  
裏看此日滿朝求禪草相如早晚入長安又作  
詩問正甫云上宮春色自何年阿閣神房幾洞  
天囊裏定攜三秀草懷中曾擬四愁篇射牛漢  
蹟今猶在繫馬吳門似杳然七十二家論祀典

還朝可奏聖人前

舊河通瓠子新浪灤挑花元人張仲舉詩也嘉靖  
中河決徐沛大司空萬安朱公衡排衆議改築  
新渠百年河患一旦屏息海內名士咸有頌章  
李于鱗詩云河堤使者大司空兼領中丞節制  
同轉餉千年軍國壯朝宗萬里帝圖雄春流無  
恙桃花水秋色依然瓠子宮太史但裁溝洫志  
文人何減漢臣風春流一聯王元美亟稱之以



為不可及然實用張語而意稍不同後元美過  
新河亦有詩呈朱公云日出煙空匹練飛大荒  
中劃萬流依連山盡壓支祁鎖逼漢疑穿織女  
機九道徵輪寬氣象六軍容物迥光輝甘棠欲  
讓金堤桺曾護司空却蓋歸論者以支祁織女  
一聯又在桃花水瓠子宮之上

李于鱗寄題王元美藏經閣云岩堯飛閣太湖傍  
有客翻經日滿牀白馬尚畱霜練影彩毫應帶  
雨花香當年張掾生秋興何處支公坐道場君自  
風流兼二子吳門極目正茫茫

李于鱗題周天球小象云落鬼吳門五十春懶從  
高閣畫麒麟此中墨客爭知妙何處詞人更有  
真白眼自宜置丘壑紅顏元不染風塵東墻休  
挂喬家女夜恐周郎作後身

王世貞

字元美弟世懋字敬美海上  
有鳳麟洲故兄弟各以為號

王元美十五時受易山陰駱行簡先生一日有鬻

荆山堂文集卷十九  
四  
刀者先生戲分韻教元美詩元美得漢字輒成  
句云少年醉舞洛陽街將軍血戰黃沙漠先生  
大奇之曰此子異日必以文鳴世也  
楚人陸生嘗從軍得官而善按摩多戲術王元美  
贈詩曰翩翩裘馬俠兒風青眼人間計未窮早  
歲散金收劍客中年殮玉禮壺公顏從熊鳥方  
中註尊向魚龍戲裏空日月任他雙轉轂江湖  
得意一飄蓬

王弇州贈湯生裝潢者云金題玉燮映華堂第一  
名書好手裝却怪靈芝針線絕為他人作嫁衣  
裳

王弇州有鵠詩云綺質霜毛種種殊飛鳴元只戀  
庭除籬邊斥鷃聊同適鞞上饑鷹故不如怖後  
長依阿育塔馴來還寄曲江書相看總是銜恩  
侶翹首雲霄思有餘

何元朗嘗至閭門偶遇王鳳洲在河下是日携盤

棹至友人家夜集元朗袖中偶帶王賽玉鞋一  
隻醉中出以行酒蓋王足甚小禮部諸公亦嘗  
以金蓮為戲談鳳洲樂甚次日即以扇書長歌  
來惠中二句云手持此物行客酒欲客齒頰生  
蓮花元朗擊節嘆賞以為才情妙絕

王弇州有解語花一闋題美人捧觴云檀槽細壓  
紫溜泠泠滴碎珠千斛鷓鴣初贖誰偕醒卓女  
遠山黛綠朱櫻小蹙風裊處山香幾曲捧屈卮

徐露春芽一樣纖纖玉何事錦圍翠簇只枝頭  
一點買斷金谷靈犀輕嚼微酣後記取夜來題  
目雙鬟起逐扶掩向碧紗厨宿誇醉鄉還倚溫  
柔此際平生足

王弇州又有折桂令二闋云問先生酒後如何潦  
倒模糊偃蹇婆娑枕底烟霞杖頭日月門外風  
波儘皇都眼眶看破望青天信却胡過好也由  
他歹也由他便做公卿當甚么麼問先生不飲

何如一點篝燈。數卷殘書。冷却扁舟。悶他五柳。  
淡殺三閭。太行路都來胸腹。帝京塵滿上頭顱。  
睡也憂虞。醒也憂虞。不得酩酊。怎便糊塗。  
王敬美自謂詩自江西後。頗覺有進。其題華夷互  
市圖云。大漠高空寂。建牙兩軍相對。醉琵琶。天  
閑首着多。羗種胡女。臙脂盡漢家。雲裏射生旋  
入市。日中歸騎不飛沙。金錢半減。犂庭費五利。  
應知晉史誇。

余應舉

字德甫。南昌人。王元美初成進士。隸事大理山東李伯承。伯承為通於李于鱗。已于鱗所善。謝茂秦來已。徐子與梁公實宗子相來已。吳明卿及德甫來已。張肖甫來吟咏時流布人間。或稱七子。或稱八子。

余德甫與王元美諸人為詩聲名頗相上下。其再  
寄元美兄弟云。濁酒柴門老更狂。不因時俗問  
行藏。芙蓉秋晚空江海。薜荔春深勝鷓鴣。楚曲  
何人堪孺子。吳中二美得王郎。天門夜半風雷  
起。銷盡人間六月霜。

吳化卿先官中舍後為侍御余德甫贈詩曰三湘  
芳草隔天涯一自鳴珂幾歲華烏府新栽周史  
栢鳳池舊染漢宮麻賦成秋色寒飛雪興引春  
杯夜注霞偶為詞源相問訊到知郢里是君家

吳國倫

字明卿號川樓興國州人

吳川樓為余德甫賦湖上草堂云萬戶朱樓夾廣  
衢憐君小築寄城隅坐中山色羣書擁枕上江  
聲四壁虛奇字故人爭載酒席門長者漫停車

我來竟日壚頭醉風景何曾異敞廬

吳明卿貴陽初度其兄遣兩僮適至兩僮竝善吹  
笛聞之悵然因賦詩曰東風搔首夜郎城一字  
鄉書百感生侍子雙調雲夢管當筵忽作鳳鸞  
聲梅花落盡春難寄律呂和來怨未明却是吹  
埴人萬里關山何處不含情

歐楨伯寄詩吳明卿有云可能一字寄蓬蒿明卿  
答詩曰一失風波萬里餘十年消息數行書張

騫異域迷通道。詹尹江潭困卜居。自是青雲遊  
子薄。非關白髮故人疎。君今且莫深巖穴。合有  
新知薦子虛。

吳明卿將發貴州。畱題署中云。已分孤臣老百蠻。  
除書猶自發燕關。官同太史周南寄。節似張騫  
異域還。白首從人增薄祿。彩毫隨處紀名山。夜  
郎臺畔江如珥。別去仍懸夢寐關。

宗臣

字子相。號方城。揚州興  
化縣人。嘉靖間官學憲。

宗子相夜召吳明卿。飲明卿報言病。目畏燈火。子  
相走筆戲簡二絕云。秋雲落盡瀟湘曲。更有何  
人抱寒玉。堂前銀燭豈黃塵。相逢不肯開君目。  
昨日見君雙眼青。今日見君雙眼赤。江南百戰  
天地催。豈應欲化萇弘碧。

宗方城喜談神仙昇舉之術。督學閩中時。忽謂其  
家人曰。某日有胡僧相訪。當歸化矣。及期謂僧  
且至。出門迓之。登堂分賓主坐。定相與話丹鉛。

之事議論酬答疊疊不倦歷三晝夜辭去左右  
初未見也既而命家人具湯沐浴作遺詩三首  
遂擲筆而逝其一曰長嘯一聲歸去來玉龍高  
駕彩雲迴獨留明月詩千首萬古寒光燭上台  
其二曰二謫人間四九年青山萬里隔蒼煙于  
今更返華陽洞千樹桃花待舉鞭其三留別知  
已曰四海相逢盡臥龍清江夏夏秣芙蓉我今  
先跨晴虹去遲爾崆峒第一峯

徐中行

字子與號龍灣長興人嘉靖間官方伯

徐子與尊信李于鱗王元美二公亦每推轂于與  
于鱗又云不意吳越一隅土乃生元美子與吾  
鼎立中原豈不大奇子與有喜于鱗起家浙憲  
二首云青門祖帳故賢哉丹詔新從海岱開閭  
闔萬年真主出風雲一日臥龍來中興堪借文  
章色漢柱曾題侍從才最幸探奇司馬後逢君  
重上禹王臺衣冠朝散未央鐘鞭弭中原豈易

逢忽自東方驅駟馬。遂令南斗合雙龍。霞標欲  
避天。台賦紫氣仍來日。觀峰何但故人忻。御李  
風流誰不慕詞宗。

李于鱗書徵王元美徐子與為文會于吳山意氣  
豪甚子與賦二詩壯之龍門高倚浙江邊。海內  
賢豪大會年。詞賦有盟歸掌握。橐鞬何地不周  
旋。縱橫南紀星辰動。氣色中興日月懸。萬態盡  
銷吾黨在。狂歌還似薊門前。禹壇文會遠相同。

不讓談天碣石宮。授節中原高白雪。被襟大海  
起雄風。重來五嶽神逾王。老去千秋計轉工。却  
笑永和修禊者。虛將翰墨擅江東。

梁有譽

字公實號蘭汀居  
士嘉靖中官主事

梁公實有吊吳宮詩曰月墮平湖漫不流。煙波何  
處可消愁。千年人倚要離塚。百頃誰尋范蠡舟。  
廊下悲風聞響屨。堂前清宴憶傳籌。竹枝似寫  
當年恨。聲起吳江葉葉秋。又揚州悼隋離宮詩



云李花歌罷益淒其。正是迷樓縱樂時。夜月遼  
魂哀鐵騎。春風淮柳拂鸞旗。牛邊蛇起妖誰識。  
帳裏鷗來事可悲。千載故基何處覓。杜鵑啼上  
野棠枝。藻井雕甍駐彩霞。錦帆一去已無家。淒  
涼夜月樓前舞。零落春風仗外花。殘燒繞原碑  
臥草。夕陽依岼柳藏鴉。可憐河水滔滔逝。不識  
人間有歲華。

謝榛

字茂秦號四溟山人以救盧次  
梗北游燕刻意吟詠一家

謝茂秦曳裾趙藩嘗謁崔文敏銑崔有詩贈之云  
三月清洹上。翩翩兩度來。攜詞傾玉海。弔古賦  
銅臺。岐路揚朱淚。江湖李白杯。今公今謝事。迴  
首尚憐才。

謝茂秦遊天壇賦七言一律天畔飛霞照萬山。尋  
易山字為峯遂成絕句曰度嶺攀崖自一筇。黃  
冠竹下偶相逢。振衣直上昇仙石。天畔飛霞照  
萬峯。



五羊天。微茫畫裏天。人老醉鄉天。又用天字起。  
併十二句云。天馬行無迹。天覆空青色。天高籠  
鳥心。天陰鬼火亂。天寒鷹力健。天聚峨眉雪。天  
勢湧田水。天崩功斷虎。天山雄漢塞。天長接鄧  
林。天晴百鳥散。天垂四野青。又第二用天字得  
十二句云。赤天開地鏡。鈞天奏太和。蜀天低劔  
閣。雲天澤一色。木天通夜鼠。羅天昭象緯。楚天  
三峽斷。海天將卷氣。諸天空色界。江天月雨分。  
霜天紅樹老。通天鳥道寒。又第三用天字得十  
二句云。夜爽天銜露。孤峰天外出。風暖天絲飛。  
靜中天籟起。隱見天河影。峽開天一線。漢北天  
常雪。日高天更青。霞明天姥峰。禪林天雨花。雲  
疎天色澹。井平天影出。又第四用天字得十二  
句云。風響參天樹。鑿嶺蜀天開。混沌是天胚。萬  
物各天機。出塞胡天盡。龍鬪海天翻。鴈得楚天  
春。虹截江天碧。玉氣浮天闕。蹄涔縮天影。秋氣

澄天宇。到海得天多。客謝而去。顧茂秦笑曰。子何太泄天機耶。

大梁李生謝茂秦詩友也。早過茂秦。畱酌談及造句之法。因出燈字為韻。得四十句。云：煙葦出漁燈。書聲半夜燈。山扉樹裏燈。風幢亂佛燈。心空一慧燈。塔閃半空燈。石火點船燈。蛾影隔籠燈。厨煙夜罩燈。倦客望村燈。風雨異鄉燈。山鬼弄昏燈。夜慘病中燈。穴鼠暗窺燈。霜風逼旅燈。紀

夢坐呼燈。江樓雨岬燈。屋漏夜移燈。金粟吐華燈。仙家月是燈。思婦背孤燈。形影共寒燈。窻昏夢後燈。調鷹徹夜燈。農談共瓦燈。棋罷暗篝燈。呼壚夜盡燈。樹隱酒樓燈。村夜績麻燈。除夜雨年燈。鬼火戰場燈。林暎見遠燈。夜泊聚船燈。海舶浪搖燈。殿列九華燈。靈燄鳳膏燈。春宮萬戶燈。李生曰。少陵止有舟雪灑寒燈之句。子何燈

字之多耶。因大嘆服。

王元美為比部郎。嘗與蔡子木徐子與吳明卿謝茂

秦飲謝時再遊京師詩漸落子木數侵之已被  
酒高歌其夔州諸詠亦平平耳甫發歌明卿輒  
斲寢斲聲與歌相低昂歌竟斲亦止為若初醒  
者子木面色如土子與復與子木論文不合而  
罷後五歲所而子木以中丞撫河南子與守汝  
寧明卿謫歸德司理張肖甫謫裕州同知皆屬  
吏也子木張宴備賓主身行酒炙曰吾  
烏得有其一以慢三君子尋具疏薦之

侯一元 號二谷浙樂清人  
嘉靖間官布政

侯二谷贈王公督學楚中詩云長江千里白波來

畫舸風輕五兩催新雨曉看雷澤漲水壺秋映

洞庭開洲前落月聞湘瑟峽外飛雲見楚臺辭

賦郢中應一變漢家方重馬卿才

侯一麟酷傲右丞如四顧徒餘壁一牀空有書好  
道髮新白為儒家舊貧每因枕上夢識得屋前  
山皆得意句也與一元時稱華萼

穆文熙 字敬甫號少  
春東明人

莆田陳本容也罷先生孫也將詣都下穆少春  
之詩且曰爾書法自茲有價周公瑕之後即當  
以毛穎登壇也詩曰隔歲別惊喜乍舒憑陵彩

筆近何如。劔鋒自悟。張顛草石鼓。兼傳史籀書。  
客裏秋風一榻外。行邊寒雨片帆除。知君到處  
名逾重。洛下人爭款應徐。

葉龍塘

夢熊

以言事放逐後十餘歲始為安慶太

守穆少春寄詩云。傾蓋當年事已奇。更於霄漢  
幾追隨。直名頓回批鱗起。俠氣兼從說劔知。  
一別羅浮空有夢。十年漳水杳無期。循良何日徵  
黃霸。惆悵天南歲暮時。

石拱辰穆敬甫與王敬美善兩人日計敬美當督  
學俄得報柄文關內敬甫有詩曰蘭省當年識  
大家。雄飛今始動黃麻。一官攬轡還驄馬。四輔  
傳經有絳紗。斗下青萍時自起。秦庭白壁久爭  
誇。昆明池畔支機石。指點全歸上漢槎。吳楚何  
辭擁傳勞。清時共羨領時髦。人才自數三秦盛。  
伯仲同推六代豪。藻鑒湟中空駿馬。壯遊華頂  
駐旌旄。五千言後重堪著。會見關門紫氣高。

陳本容善作矮人行為南音若鳥語一日自魏遊  
越穆少春贈詩曰綠陰池館坐斑荆客子南歸  
渺去程醉後侏儒空有態花時鷓鴣已無聲中  
山兔盡揮毫去越水鷺肥載筆行書法如君稱  
墨妙乾坤何處不逢迎

南樂陳蓋齋三失內子穆少春嘲曰十載元龍嘆  
各天書來心事轉淒然芙蓉并蒂三經雨鳳嘴  
成膠兩續絃菜子幾堪唵麥雉裴航翻苦遇仙  
緣定知鬚鬢時時黑酷似周郎弱冠年

晉陵蔣仲舒編

國朝

倭國

堯山堂外紀卷九十九

堯山堂外紀卷九十九

八

... 詩曰綠陰池館坐... 有悲花時題... 肥裁筆行書法如... 墨妙乾坤何處不逢迎... 南樂陳蓋齋三失... 各天書... 蘇文... 黑... 似... 臣... 臣...

堯山堂外紀卷一百

晉陵蔣仲舒編

國朝

倭國

吳自秦伯至夫差二十五世勾踐滅吳其子孫支庶入海為倭故通鑑前編注云今日本國吳秦伯之後

國初嘗欲征倭其國王遣使嚙哩嘛哈奉表乞降上問倭國風俗如何嚙哩嘛哈以詩答曰國比中原國人如上古人衣冠唐制度禮樂漢君臣



銀。甕。菊。新。酒。金。刀。膾。細。鱗。年。年。三。二。月。桃。李。  
般。春。

成化甲午倭人入貢見蜀葵花不識問何名人給  
之曰此一丈紅也其人以紙狀其花題云花於  
木槿花相似葉與芙蓉葉一般五尺闌干遮不  
盡尚畱一半與人看

正德間有日本國使者經西湖題詩云昔年曾見  
此湖圖不信人間有此湖今日打從湖上過畫  
工還欠着丁夫

倭人入貢每艤舟定海通津橋時防閑之法頗嚴  
賦絕句云棄子拋妻到大唐將軍何事苦相防  
通津橋上團團月天地無私一樣光

嘉靖間倭子從終興雨中往曹娥江賦詩曰渺渺  
茫茫浪潑天霏霏拂拂雨和煙蒼蒼翠翠山遮  
寺白白紅紅花滿川整整齊齊沙上鴈來來往  
往渡頭船行行坐坐看無盡世世生生作話傳

又天連。泗水水連天。煙鎖孤村。村鎖煙。樹繞蘿蘿繞樹。川通巫峽。峽通川。酒迷醉客。客迷酒。船送行人。人送船。此會應難難會。此傳今話。古今傳。

萬曆二年三月倭子三人同一破船漂至登州府。其一能詩。是日雨雪登守就出為題。倭即寫云：一夜東風勝北風。鷺毛飛亂滿長空。梨花樹上白加白。桃杏枝頭紅不紅。鶯問幾時能出谷。燕愁何可化泥營。寒冰鎖住鞦韆架。路阻行人去不通。

安南

古交趾其國人之足大指交故名

交趾王原姓陳氏。後有黎季犛者。江西人。幼時販至其國。登岸時見沙上有字云：廣寒宮裏一枝梅。釐後黃緣得官。一日陳王避暑於清暑殿前。有桂千樹。王出對云：清暑殿前千樹桂。羣臣皆未對。釐憶沙上所見。遂以對之。王大驚曰：子荷

以知吾宮中事。釐以實告王曰：此天數也。蓋王  
有女名一枝梅，建廣寒宮以處之也。遂配之。  
弘治間，安南使過吉水，弔文丞相詩曰：吉水江頭  
繫客舟。緬懷丞相舊風流。堂堂大義勤王日，耿耿  
孤忠就死秋。北伐自期終復漢，東征誰謂竟  
亡周。一身獨任綱常責，肯戴南冠學楚囚。  
交趾使遊京師，西湖賦一絕曰：一株楊柳幾枝花，  
醉飲西湖賣酒家。我國繁華不如此，春來遍地

是桑麻。

嘉靖初，都御史毛伯溫征安南，其國王以萍詩，泐  
云：錦鱗密砌不容針，帶葉連根不計深。常與白  
雲爭水面，豈容明月墜波心。千層浪打誠難破，  
萬陣風顛永不沉。多少魚龍藏未見，太公無計  
下鈎尋。毛伯溫依韻答之云：隨田逐水冒稭針，  
到底原來種不深。空有根苗空有葉，敢生枝節  
敢生心。寧知聚處焉知散，但識浮時不識沉。天

抵中天風勢惡掃歸湖海竟無尋國王見詩大  
驚由是貢服

交南莫登庸稱降遣臣文明赴京事畢瀕回辭兵  
部云言不能達意遂上一啓乃同行阮文恭所  
撰文恭其國以狀元及第者詞曰乾坤發育萬  
物必資六子以成其功聖人統御萬邦必籍六  
曹以宣其教上下一理古今同符文明等抱文  
投降赴京伺命駢駢周隰風霜靡憚於

蕩堯天雲日第廛於就望孚顯正切驚惕殊深  
恭惟兵曹鈞座下量度包荒忠形納約上傳帝  
介宏推一世之仁外溥海隅咸遂並生之願文  
明等觀光伊邇受賜良多車製指南欣覲遣還  
之禮心存拱北敢忘造命之恩

占城

地在交趾南濱  
海古越裳氏

占城使人入貢詩其初發云行盡河橋柳色邊片  
帆高掛遠朝天未行先誥歸心早應是燕山有

杜鵑其揚州對客三月維揚富屋早  
客與同床黃昏二十四橋月白髮三千餘文  
玉句詩聞賢太守紅蓮書寄好文章欲尋何處  
舊東閣落盡梅花空斷腸其江樓畱別云青嶂  
俯樓樓俯渡遠人送客此經過西風揚子江邊  
柳落不如離思多

堯山堂外紀卷一百

終

